

飲

虹

移

所

刻

曲

孝

威




朱紅移巧刻曲

李鳳閣

鷗園新曲

(一一)



鷗園新曲目次

癸卯元夕宴丹桂堂

後樂園獨酌

春日遊東園

秋日過水東山莊

夏日白鷗園泛舟

端陽日白鷗園泛舟

閒遊白鷗園

白鷗園漫興

初秋池上納涼

小閣納涼

環漪亭納涼

中秋八角塘泛舟

白鷗園對雪

鷗園新曲

貴溪夏言公謹撰

癸卯元夕宴丹桂堂

山花子

老臣此日歸田野爭看宰相還家玉堂中風
月頗佳堪酬物色年華合上元時風月可誇
歌喉宛轉舞袖斜太平行樂未有涯坐聽江
城簫鼓家家

青山綠樹眞幽雅朱門未羨豪華桂堂中情
興最佳芳辰滿泛流霞合日前

春花秋月眞瀟灑華筵燈火交加畫堂中風

物儘佳光連竹樹橫斜

台前

山林濁酒眞堪把田園依舊農家草堂中懷
抱甚佳不妨笑傲煙霞

台前

去年勅賜天閑馬錦袍侍宴天家念微

臣榮幸有加聖恩浩蕩無涯

台前

幽風亭下傳仙學教坊歌吹誼譚看華燈明

星彩霞萬條火樹銀花

台前

人間萬事眞飄瓦風波宦海無涯向山林藏

煙隱霞紅塵不染東華

台前

佳辰與客傳杯罍德星光聚吾家畫堂中紅
燭影斜留連對月看花

合前

去年禱旱歌幽雅應時霖雨隨車喜秋成田

收穰稔芄芄滿地桑麻

合前

狀元亭上多幽雅山川棟宇增華稱尋春山

巔水涯歸來翠幃風斜

合前

金錢花

元宵景物堪誇堪誇華堂燈火交加交加歌
金縷舞仙娃拚沈醉樂無涯賓客散斗杓斜

尾聲

樓臺燈影開圖畫花月簾櫳映彩霞把陽春
挽取散與江城百姓家

後樂園獨酌

二犯傍粧臺

丹桂野堂開錦衣天上今日得歸來且暫作
溪山主又說甚廟廊才白頭喜共松筠老烏
帽從教鷗鷺猜合一人林下四時酒杯清風
明月可徘徊

後樂小園開柴門竹徑時有故人來身世外
無妄想吟弄處有餘才桃源遠尋漁父引沙

席間憑野老猜

合前

花下一尊開白觴
白咏不許俗人來
且放下
調羹手那裏有濟川才
天邊倦鳥宜歸早
海上輕鷗莫浪猜

合前

懷抱向誰開
十年舊事和雨上
心來愧迂儒
難用世蒙
聖主獨憐才
孤忠自許神明鑒
拙直宜招時輩猜

合前

春日遊東園

憶多嬌

花滿園草滿園
密密垂楊覆短簷
小小軒窗

春晝眠興味蕭然做箇人閒懶仙

風滿軒月滿軒裊裊爐香透碧簾短短瑤琴
相伴眠情興悠然做箇人閒散仙

山滿前水滿前矮矮柴門流水邊兩兩沙鷗
相對眠白髮飄然做箇人閒老仙

樽滿前杯滿前灑灑香醪如蜜甜栩栩時來
甕底眠醉後頽然做箇人閒酒仙

春日暄春景鮮春徑春堤春草芊春谷春林
春鳥喧合春色堪憐休把青春等閒

春雨縣春水連春岸春江春浪添春樹春雲

春夢牽

合前

春嶺前春浦前春柳春花春晝妍春鶯春燕

春杜鵑

合前

春氣酣春興偏春舞春歌春滿筵春酒春燈

春月圓

合前

秋日過水東山莊

駐雲飛

曲逕疏籬小結茆堂住水西門掩山光翠路

遶谿流細

鷗

鳥對忘機蓼花灘底一曲滄

浪夜半歌聲起正是先生醉醒時

野渡漁磯錦石疏花碧水隈黃葉紛飄墜白
鳥時來去紫山外夕陽西蒹葭秋水細雨斜
風波浪橫江起正是先生罷釣時
竹戶柴扉籬巷陰陰綠樹圍背郭青山倚隔
水紅塵避紫草色暎書帷白雲堆裏屋角鳩
鳴紅日三竿起正是先生睡穩時

斗室幽棲山靜林深燕雀稀日永簾垂地風
定爐煙細紫一領混元衣蒲團藉體俗慮塵
緣不向靈臺起正是先生打坐時

夏日白鷗園泛舟

錦堂月

首夏清和閒來遊賞園亭竹樹陰濃水漾銀
塘蘭舟載酒臨風日初長柳過三眠春已老
花如一夢合笙歌擁不妨夜半歸來月明相
送

追省位極三公黃扉九載一朝謝卻千鍾橫
翠亭前時時拄笏雲峰臨水岸長伴鷗羣眠
竹牖渾忘蕉夢

人口前

試聽綠樹陰中黃鸝調舌真能換羽移宮野
渡停橈波濤謾自奔騰任從爾年少多情誰

解我至人無夢

合前

畢竟萬法歸空神仙那有回頭便是英雄白
石清泉四時杖屨從容杯中物且自開懷身
外事休教入夢

合前

醉翁子

吟弄有明月清風可共更酒友詩朋笑歌喧
哄非縱這林下逍遙廊廟江湖自不同

合前
金

尊捧拚沈醉花前此樂無窮

夜靜聽簫鼓林塘響動看楊柳煙迷芰荷風
送誰共向臨水樓臺人在谿山罨畫中

合前

僥僥令

瑤觴拚酩酊檀板唱玲瓏一任譙樓玉漏催
銀箭翠袖舞香風燭影紅
江湖徒耿耿歲月任怱怱醉向蘭舟坐待東
方白明月滿長空興轉濃

尾聲

而今勘破繁華夢野服山巾伴老農一笑朱
顏藉酒紅

端陽日白鷗園與客泛舟

排歌